

湖南通志

湖南通志卷六十

食貨志四 物產一

總紀

荊州厥貢羽毛齒革惟金三品
栴栴栝柏礪砥砮丹惟筥簋

三邦底貢厥名包匭菁茅厥篚元纁璣組九江納錫大龜禹貢

荊州其利丹銀其畜宜鳥獸其穀宜稻周禮職方氏

楚地飯稻羹魚果漢書不待賈而足史記貨殖傳

荊州其利丹銀齒革穀宜稻
楚地民食魚稻果楚羸蛤食物

常足漢書地理志

江南道岳潭衡永道郴邵七州屬西道採訪使厥賦麻紵厥貢金

月百道示
卷六十一
食貨六
物產一

銀紗綾蕉葛縣練鮫革紙丹砂

山南道

澧朗二州屬東道採訪使

厥賦絹

布縣紬厥貢金紵漆

唐書地理志

荆湖南北路有材木茗薜之饒金鐵羽毛之利其土宜穀稻

宋史

地理志

元至元十九年以蒙古人孛羅領辰沅等州淘金事

元史世祖紀

宋紹興三十二年湖南等處金冶二百六十七廢者一百四十

二宋史食貨志

至元二十年撥常德澧辰沅靖民萬戶付金場轉運司淘焉天

歷元年歲課湖廣省金八十錠二十兩一錢

元史食貨志

明永樂間遣官往湖廣等處采辦金銀課成化中開湖廣金場

武陵等十二縣凡二十一場明史食貨志

唐貞元九年敕五嶺以北銀坑依前令百姓開采元和三年詔

五嶺以北見采銀坑並宜禁斷唐書食貨志

宋元豐間荆湖南北路聖節進奉銀九千三百兩南郊進奉銀

一千三百兩文獻通考

紹興三十二年湖南等處銀冶一百七十四廢者八十四宋史食貨

志

元天歷元年歲調湖廣省銀二百三十六錠九兩元史食貨志

宋崇甯五年詔蘇莊提舉九路銅事先是游經言有膽水可浸

鐵爲銅潭瀏陽等凡十一所建中靖國元年命經措置銅事王

海
月有通志卷六十一
食貨六
物產一
二

紹興三十二年湖南等處銅冶一百九廢者四十五

宋史食貨志

元至正十年立湖南諸路銅冶所

續文獻通考

元天歷元年歲課湖廣省鐵二十八萬二千五百九十斤

元史食貨志

志

宋紹興三十二年湖廣等處錫冶一百一十八廢者四十四

宋史

食貨志

元至元八年辰沅靖等處轉運司印造錫引

元史食貨志

宋紹興三十二年湖南等處鉛冶五十二廢者一十五

宋史食貨志

元天歷元年歲課湖廣省鉛一千七百九十八斤

元史食貨志

湖南稻凡百餘種類之爲三曰蚤稻曰中稻曰晚稻其宜酒者

謂之糯其種於山阜者謂之旱稻

舊志

按湖南爲產稻之鄉其名不一其種有二黏者爲糯不黏者爲粳粳種來自占城故俗謂粳爲黏黏與占字之誤也黏之類有紅黏白黏摩黏拖黏毛黏麻黏南黏油黏京黏沙黏瓜黏品黏齊黏鮮黏須黏雪黏雷黏脫黏選黏苗黏白殼黏青殼黏青杭黏紅頭黏紅腳黏四十黏五十黏六十黏百日黏三百黏廣東黏雲南黏南京黏思南黏安南黏貴陽黏梁山黏鄭平黏五開黏湘潭黏桂陽黏桂東黏富貴黏福德黏金銀黏大婆黏童子黏矮子黏兩節黏翻生黏生須黏水旱黏墉裏黏蓋草黏黃泥黏銀穀黏嬾打黏齊頭黏救公黏奪碓

黏洗耙黏王瓜黏桃花黏楊柳黏爛茅黏火燎黏九龍黏猪
膏黏馬尾黏蚤油黏順水黏順風黏北風黏小火黏亂芒黏
硬稗黏栗子黏壘穀黏種禾黏金包銀黏等名黏之早熟者
有蘇州蚤江西蚤雲南蚤思南蚤麻陽蚤甯鄉蚤鐵腳蚤洗
白蚤社前蚤高山蚤黃穀蚤兩節蚤觀音蚤夜齊蚤粒穀蚤
等名黏之別種又有寶慶白八月白杉木紅等齊黃馬尾蘇
順水拖八月齊茶子禾藹青禾沈香禾大香禾隔山香夜來
富佛見笑鬼見愁等名糯之屬有早糯遲糯大糯小糯絲糯
黃瓜糯黃蠟糯黃絲糯黃殼糯黃須糯白絲糯白廣糯白殼
糯紅殼糯紅須糯紅禾糯青莖糯大紅糯水紅糯鐵色糯銀

朱糯江西糯雲南糯思南糯梁山糯西陽糯桂陽糯寶慶糯
中秋糯重陽糯南禾糯種禾糯黏禾糯馬眼糯牛皮糯鴨婆
糯銅鼓糯涼傘糯百日糯掃帚糯光頭糯李子糯棉花糯柳
條糯錫皮糯銀沙糯岳仔糯稭子糯燒衣糯苦珠糯蠻子糯
金包銀糯等名郡縣志所載穀屬名類互有異同大抵稱名
各隨方俗播種亦因土宜總記於此以爲畱心農政者之一

助舊志

沅湘間多山農家惟植粟且多在岡阜每欲布種時則先伐林
木縱火焚之俟其成灰卽布種於其間如是則所收必倍蓋史
所謂刀耕火種也

雲谷雜志

粟有黏糯二種豆有黃綠青黑等色扁豆豌豆刀豆飯豆蠶豆

虹豆蛾眉豆羊眼豆珍珠豆龍爪豆摘豆等名舊志又有米豆花

豆茶豆褐豆冬豆烏豆荊豆麻豆梅豆滾豆韶豆鼠豆江豆雪

豆田豆葉豆毛豆羊豆泥豆翻豆欬豆赤豆菜豆長豆茶花豆

赤小豆大黑豆觀音豆大青豆白小豆白扁豆野鸞豆青皮豆

泥黃豆猪牙豆猪腸豆虎斑豆狗爪豆鰯魚豆螃皮豆銀珠豆

砑砂豆裙帶豆阜角豆刀靶豆粽子豆禾稿豆麥熟豆大松豆

黑茶豆冷沿豆籬田豆雲南豆指天豆神仙豆懈人豆四季豆

四月秋風拖泥五月烏十月烏六月黃八月黃八月白等名各郡

屬梁有飯糯二種統名高粱黍有赤黃黑白數種稷有黃黑數

十志

種麥有大麥小麥蕎麥

舊志

又有苦麥糯麥菽麥烏麥花麥金麥

春麥夏麥秋麥冬麥禿麥燕麥穀麥米麥麵甜麥雀麥鬚麥醬

麥老麥江南麥江北麥等名

各郡屬志

穆生水田下溼地結穗如粟

子細如黍色赤稗有山稗糯稗田家植苗必除稗間有取之以

釀酒醋者玉米可食亦可釀酒寶慶岳澧間多種之薏苡俗名

川穀

舊志

湖南歲貢茶二十五萬斤

舊五代史梁紀

馬殷使民得自摘山收茗算

募高戶置邸閣居茗號八牀主人歲入算數十萬用度遂饒

唐書

劉建鋒傳荆湖歲課茶二百四十七萬餘斤後茶法屢變歲課日削

荆湖二百六萬餘斤茶出潭岳辰澧州有仙芝玉津先春綠牙

荆有通志卷六十一

食貨六

物產一

五

之類二十六等宋史食貨志乾德元年免湖南茶稅七年減湖南新

製茶宋史太祖紀宋制買茶之處湖南則潭澧鼎岳片茶有獨行靈

草綠芽片金金茗出潭州大小巴陵開勝開卷小卷生黃翎毛

出岳州雙上綠芽大小方出岳辰澧州其鼎州以上中下或第

一至第五為號散茶有岳麓草子楊樹雨前雨後出荆湖文獻通考

元至元二十三年二月立岳常德澧州權茶提舉司元貞元年

二月罷元統元年十月復立湖廣權茶提舉司元史世祖成宗順帝紀番

人嗜乳酪不得茶則困以病故唐宋以來行以茶易馬法用制

羌虜明制尤密有官茶有商茶皆貯邊易馬湖南產茶其直賤

商人率越境私販番人利私茶之賤因不肯納馬隆慶二十三

年御史李相請禁湖茶言湖茶行茶法馬政兩敝且湖南多假
茶食之刺口破腹番人亦受其害既而御史徐僑言湖南茶多
而直下味苦於酥酪爲宜亦利番也但宜立法嚴覈以遏假茶
戶部折衷其議以漢中保甯茶爲主湖茶佐之各商中引先給
漢川畢乃給湖南如漢引不足則補以湖引報可明史食貨志楚之
茶則有湖南之白露長沙之鐵色岳州之巴陵辰州之溆浦湖
南之寶慶茶陵本草綱目湘中產茶不一其地安化售於湘潭卽名
湘潭極爲行遠佳者有衡山之闡俗鑛字林蓋極高巖磴所產日
色不到之處往遣捷健樵者俗號山猴緣木杪采之故謂之闡
林土人極貴重然終不脫湘潭之味近有效江浙焙製者居然

名品而洞庭君山之毛尖當推第一雖與銀鍼雀舌諸品校未

見高下但所產不多不足供四方爾雨錄
瀟湘聽

熙甯十年以前酒課五萬貫以上潭八務鼎五務五萬貫以下

澧二務岳四務三萬貫以下衡六務一萬貫以下永三務邵二

務五千貫以下道一務郴一務桂陽六務辰沅無定額文獻通考

湖南歲額綾羅絁七萬匹衡永歲入中平小羅各萬匹宋史食貨志

湖南歲供天中大禮絁四百匹平絁三千匹文獻通考

至元二十六年五月置湖廣木棉提舉司責民歲輸木棉十萬

匹以都司提舉司總之二十八年五月罷元史世祖紀棉布各縣皆

有茶攸常澧為多舊志

草紙產衡山湘鄉瀏陽平江等縣

舊志

辰州沅州二府出硃砂

司冊

每年額解硃砂二十斤十五兩九釐每斤價銀三兩八錢乾隆七年停解本色折價解部四十五年減解價銀三十八兩實解本色硃砂十兩嘉慶二十四年仍照原額派解無庸折價

寶慶辰州二府出黃蠟白蠟

舊志

每年額解黃蠟三千八百三十七斤八兩每斤價銀一錢五分五釐白蠟六千三百斤每斤價銀一錢三分五釐雍正七年折價解部乾隆二十九年仍解本色白蠟六千三百斤減

解黃蠟一千三百三十七斤八兩實解二千五百斤三十四

年復停解本色四十五年起減解白蠟三千八百斤實解二

千五百斤其額解黃蠟與所減白蠟之數竝折價解部

司冊

淳熙二年郴桂寇起以科買乳香為言詔湖南路見有乳香竝

輸行在權貨務免科

宋史食貨志

靛苗產於衡山酃縣茶攸湘鄉湘潭而種以閩人鬻於湘浦

李湘

洲文集

廣順元年詔免湖南土貢枕子茶乳糖白沙糖橄欖子

舊五代史周紀

檉木生湖南者甚多

本草衍義

元中記尚書李南公知長沙

召使前自以指捻之曰乙真甲偽也訊之果然蓋南方有檉柳以葉塗肌則青赤如毆傷者剝其皮橫置膚上以火熨之則如

棒傷者血聚則硬偽者不硬耳

丁謂爲玉清昭應修宮使所用有潭衡道永鼎之桧枏楮永澧

之槻樟潭之杉衡州之碧石容齋三筆

湖南石枏甚多本草衍義

湖南每年額辦解京木植二千根內桅本二十根各長六丈

大徑一尺五寸小徑七寸每根銀二十兩杉木三百八十根

各長三丈大徑一尺三寸小徑七寸每根銀八兩六錢二分

二釐架木一千四百根各長三丈圍一尺四五寸每根銀一

錢八分桐皮杉篙二百根各長二丈圍一尺二三寸每根銀

一錢二分以上銀兩均於地丁項下動支委常德府同知領

價赴辰沅靖各地方及黔省采購竝於沅州之臨口常德之德山河下向客商木簿抽買一根仍俟上一次委員辦齊收旗下次委員始豎旗接買買齊後準自備護木四千根俱在常德大河捆紮成簿運至江南北河口改紮小弔前進赴工

部木倉交收舊志

南中生子母竹今之慈竹也述異記湖南人冬月掘大竹根下未

出土者為冬筍東觀漢記謂之苞筍竝可鮮食為珍品本草集解徑

尺竹可為甌出湖湘竹譜昔人稱交廣曰竹鄉衡湘壤接殆未多

遜種類之繁不止竹譜中各處所產已也俗所通用者自屋宇

以至器具無不取給名曰南竹大者圓徑四五寸小徑二三寸